

DESIGNTriblisi

@425 swatchi

ლოგო გაფორმება მასხარამ


Deviantart.com -ის კონკურსში გამარჯვებული ანუკა ბარათაშვილი



“Noah_tully” არის სრულმეტრაჟიანი მულტფილმის პერსონაჟი, 13 წლის ბიჭი, რომელიც ცხოვრობს მამასთან ერთად არიზონას უდაბნოში. ბიჭს ხელში უვარდება უცხოპლანეტელი მალდი განსაკუთრებული შესაძლებლობებით და თავგადასავლებიც იწყება...

გაგრძელება ___031 dt

1 000 000 \$! ფილმის რეალიზაციისთვის ინტერვიუ ნიკა მაჩაიძესთან



dt_ ამჟამად რაზე მუშაობ. ვისთან თანამშრომლობ

ამჟამად, artarea.ge. ვიდეო ბლოგია... პრინციპში ონლაინ ტელევიზიას უფრო გავს. ვუკეთებ მთლიანად შეფუთვას (გადაცემების ქუდებს, ტიხრებს)... და ჩემს გადაცემასაც ვაკეთებ მუსიკაზე, ნატალია ბერიძესთან ერთად. ბოლო კოლაბორაცია იყო იაპონელ მომღერალთან რომელსაც ქვია Coppe ახლახანს გამოვიდა ალბომი. მუსიკის გარდა ერთი ვიდეოც გაუკეთე...

გაგრძელება ___030 dt

როგორ უნდა შექმნა გრაფიკული დიზაინი - სერგეი სეროვი



სერგეი სეროვი გრაფიკული დიზაინის საერთაშორისო ბიენალეს 'Golden Bee' დამფუძნებელია. ერთ-ერთი რუსული ჟურნალი მასზე წერდა, რომ იმაზე მეტს ვაკეთებ, რაც რუსული დიზაინისთვის სერგეი სეროვმა შეძლო, პრაქტიკულად, შეუძლებელია. ის ხელოვნების ექსპერტი, გრაფიკული დიზაინის აკადემიის აკადემიკოსი და გრაფიკული დიზაინის უმაღლესი აკადემიური სკოლის დამაარსებელია და შესანიშნავად ესმის განათლების მნიშვნელობა, როდესაც საქმე დიზაინერების ახალი თაობის აღზრდას ეხება. უორქშოფის დაწყებით ვისარგებლეთ და სერგეი სეროვს გრაფიკულ დიზაინთან დაკავშირებულ აქტუალურ თემებზე გავსაუბრეთ.

გაგრძელება ___033 dt

მასში კომპანია “ვიტრას” ახალი შოურუმი გაიხსნა.



შოურუმში თქვენ შეგიძლიათ ნახოთ ისეთი ცნობილი დიზაინერების მიერ შექმნილი საოფისე და სახლის ინტერიერის პროდუქცია, როგორებიც არიან თავად ჩარლზ და რეი ეიმსები, ჯორჯ ნელსონი, ჰელა იონგერიუსი, რონან და ერვან ბურულუეკები, ისამუ ნოგუჩი და სხვები.

გაგრძელება ___039 dt




Ulayah Saba. ფონი ანიმაციური ფილმისთვის

კედლის მხატვრობა - მასხარას ლეგალური თამაში

საერთაშორისო ორგანოსზაციები, რომლების კედლის წარწერების და იმიჯების სპეციფიკას იკვლევდნენ, ასეთ დასკვნამდე მივიდნენ: მე შენ მიყვარხარ და შესაბამისი სიმბოლიკა - ეს არის ის სლოგანი, რომელიც მსოფლიოს კედლების წარწერებს შორის პირველ ადგილს იკავებს.

ცხადია, ეს ადასტურებს იმ ფაქტს, რომ პოლიტიკურ სლოგანებს, კერპების სახელებს და სხვადასხვა მოწოდებებს, ძლიერ კონკურენციას უწევს სიყვარულში გამოტყდომის სიტყვები.



dt 040

კედლი კაფე ლოგოს ინტერიერში



inTheWhite

დასაწყისი ___040 dt

ნიკა მაჩაიძე - მუსიკოსი, მხატვარი, ანიმატორი, გრაფიკოს დიზაინერი, არტარეას სამხატვრო ხელმძღვანელი... ჩვენ შევხვდით და 2012 წლის 7 მაისს რამდენიმე შეკითხვა დაუსვით მას -

dt_ Ulayah Saba არის ანიმაციური ფილმი რომელიც როტოსკოპული ტექნიკით კეთდება. რასთან არის დაკავშირებული ამ მეთოდის გამოყენება.

რადაცას ვიქექებოდი ფოტოში და საინტერესო გამოსახულება მივიღე ფოტოდან. მერე კიდევ ბევრი ვაწვავლე პროგრამა და ექმენ სკრიპტი გავაკეთე რომელიც დაახლოებით 40 სხვადასხვა მანიპულაციისგან შედგება... მოკლედ გამოსახულება მომეწონა და მომინდა გამოყენება.

dt_ ეს ტექნიკა დანერგილია ვიდეო ინდუსტრიაში თუ ექსპერიმენტული ხასიათი აქვს?

რა თქმა უნდა დანერგილია ("scanner darkly" "waking life"), მაგრამ ის არა რომელიც მე გავაკეთე, ჩემი უფრო ძველ პოსტერს გავს ვიდრე ვექტორულ გრაფიკას...

dt_ რა კომპიუტერულ ტექნოლოგიებს იყენებ

ყველაფერს ცოტაცოტას (გამომდინარე იქიდან რომ არცერთი პროგრამა არ ვიცი სრულყოფილად :)). ჩემთვის ტექნოლოგიებს დიდი მნიშვნელობა არ აქვს, მთავარია ის

შედეგი მივიღო რაც მინდა ამიტომ უცებ შეიძლება, მაგალითად სტოპ მოუშენ ანიმაცია გამოვიყენო.

dt_ რა თანხებთან არის დაკავშირებული ფილმის რეალიზაცია.

საქართველოში დათვალეს 1 000 000 \$! მეტს არაფერს არ ვიტყვი:)

dt_ NLQ შენი პირველი ანიმაციაა. 2005 წლიდან რა შეიცვალა ტექნოლოგიური თვალსაზრისით?

თუნდაც ის რომ ვიდეოს ზომა იზრდება და იზრდება, თუმცა ბოლო დროს სულ უფრო მომწონს VHS-ის გამოსახულება :))...

dt_ ვიდეო სიჩქარის ელექტრონულ ფურცლებზე ბეჭდება ძალიან შორეულ მოვლენად მიგაჩნია?

არც ისე. უბრალოდ ჯობია პოლიტიკური სიახლეები ისევე ძველებურად დაიბეჭდოს თორემ კიოსკებთან გავლა შეუძლებელი იქნება:)



Rays. ვიდეო იაპონელი მომღერალი Coppe -ს სიმღერისთვის <http://bitphalanx.bandcamp.com/album/rays-coppe-in-a-bloc-cd-usb-boxset>



გადაცემა მისტერია. artarea



«აქ ისეთი კარგია, როგორც ფილმის ან სპექტაკლის დაწყების წინ»

სოფო აბაშიძე

კაფე "მუზეუმის" დიზაინერის, მარიანა ჭყონიას ჩანაფიქრი იყო, რომ კაფე, გალერეის შინაარსიდან გამომდინარე, ყოფილიყო მინიმალისტური, მსუბუქი და ავეჯით ნაკლებათ დატვირთული. ამ სივრცეში მნიშვნელოვანია ალექსანდროვის ზალი, რომელიც ინტერიერში ძალიან დიდ როლს თამაშობს, ასევე ძველი შენობის ნაწილი, რომელიც კაფეს ვიტრაჟებიდან, ფაქტიურად, ინტერიერში შემოდის.

კაფე, გალერეის ორგანული ნაწილია. მისი დიზაინი, ქართული ორნამენტების ევროპულ გარემოსთან ნაზავია. მუზეუმის ჩვეულ სტატიკას ქართული ტემპერამენტის მქონე ფერები ათბობს. კაფე დახვეწილი და მყუდროა. მენიუსაც ევროპულთან ინტეგრირებულ ქართულს გვთავაზობს. ალექსანდროვის ზალს კი ტერასიდან გადაჰყურებს.



გაგრძელება ___//designtblisi.ge

dt 030

ფოტო _ ნანკა დოლიძე



ახალი სამყარო. ფრაგმენტი



საქართველოს ბანკის ფულადი გზავნილები



დასაწყისი ___040 dt

ანუკა ბარათაშვილი დაიბადა 1986 წლის 3 მაისს, თბილისში, 2007 წელს დაამთავრა სამხატვრო აკადემიის ანიმაციური ფილმის დამდგმელი მხატვრის ფაკულტეტი. 2007-2009 წლებში მუშაობდა სარეკლამო კომპანია "სარკე"-ში გრაფიკული რეკლამების დამდგმელ მხატვრად. 2009 წელს გაიმარჯვა გრაფიკული პლანშეტების მწარმოებელი კომპანიის Wacom-ის და მსოფლიოში ყველაზე პოპულარული არტ საიტის Deviantart.com-ის კონკურსში "Dreams" და აიღო პირველი ადგილი ნამუშევრით "Dreamland - Above than clouds". 2009 წელს ანუკას ნამუშევრები გამოფენილი იყო ესპანეთში გალერეა "Espai Cromàtic Tarragona"-ში. 2010 წლიდან სარეკლამო კომპანია "Metro" -ს გრაფიკული რეკლამების სტუდია "MetroGraph" -ში მუშაობს სარეკლამო რგოლებზე (ნანუკას შოუს პრომო, საქართველოს ბანკის გრაფიკული კლიპები)...

dt რა განსხვავებას ხედავთ ციფრულ პლანშეტზე შექმნილ ნახატსა და ფურცელზე ფანქრით შესრულებულ ნამუშევარს შორის.

ფანქარში უფრო მიადვილდება პერსონაჟის კონცეფციის შექმნა და აგრეთვე განსხვავება ალბათ იმაშია, რომ ფანქარში შესრულებული ნამუშევრები მეტი მხატვრულობით გამოირჩევა, ვიდრე თავიდან ბოლომდე კომპიუტერში შესრულებული ნამუშევარი, მაგრამ თითქმის ყველა ნამუშევარს ვიწყებ ჯერ ფურცელზე ფანქრით და შემდეგ ჩანახატი

გადამატებს კომპიუტერში და ვაგრძელებ გრაფიკულ პლანშეტზე, ამიტომ მე ფაქტიურად არასოდეს არ ვასრულებ ნახატს ფურცელზე.

dt Deviantart.com -ის კონკურსში გამარჯვება მოულოდნელი იყო თქვენთვის? სიმართლე რომ გითხრათ, არ იყო ძალიან მოულოდნელი იმიტომ, რომ მე საფუძვლიანად შევისწავლე კონკურსის მოთხოვნა და მაქსიმალურად შევეცადე ისეთი ნამუშევარი შემექმნა, რომ მოწონებოდა ჟიურის.

dt კომერციული პროექტებიდან რომელი ნამუშევარი მიგაჩნიათ 100 პროცენტით რეალიზებულად (ტექნიკური თვალსაზრისით).

ძალიან ბევრი პროექტი გვაქვს 100 პროცენტით რეალიზებული, მაგრამ გამოვყოფდი "Bank Of Georgia - ფულადი გზავნილები"-ს სარეკლამო რგოლს.

dt აქტუალური პროექტებიდან რომელს გამოყოფდი



სტუდიაში ვმუშაობ "Noah tully"-ს პერსონაჟზე, მულტიგომის გარემოს შექმნაზე და დაფაქტურებაზე. თავისუფალ დროს ვმუშაობ ნამუშევარზე რომელიც დავიწყე დიდი ხნის წინ და სამწუხაროდ, დროის არქონის გამო ჯერ-ჯერობით დაუმთავრებელია, მაგრამ ახლო მომავალში დავამთავრებ. შემიძლია განახოთ ფრაგმენტი ამ ნამუშევრისა, რომელიც ჯერ არ გამომიქვეყნებია.



Noah tully -ს მამა

ანიმაციური ფილმის პერსონაჟებზე მუშაობდნენ:
კრეატივი: ევა ყიფიანი
მხატვარი: ანუკა ბარათაშვილი
არტ დირექტორი: გიგი კვანტალიანი, ირაკლი გაბუნია
რენდერი: მიმა ჩაჩუნაშვილი
ანიმაცია: ლევან ლაფაჩი
მოდელირება: შაკო გურგენიძე, შაკო ზოიძე
Post production: მერაბ ახვლედიანი, ირაკლი ყურაშვილი
პროდუსერი: დათო უკმაჯურიძე



ანიმა-სულია, ხოლო ანიმაცია კი დახატული სამყაროსათვის სულის შთაბერვას, მის გაცოცხლებას ნიშნავს. ანიმატორის ხელოვნება კი სწორედ ამას ემსახურება. ეს საოცარი პროფესიაა... სწორედ ამ საოცარ და საინტერესო საქმეს ეუფლებიან სტუდენტები თბილისის სახელმწიფო სამხატვრო აკადემიის მედია ხელოვნების ფაკულტეტზე ანიმაციის ჯგუფში.

ჯერ კიდევ 20 წლის წინ თბილისში მთელი დატვირთვით ფუნქციონირებდა კინოსტუდია "ქართულ ფილმთან" არსებული მულტგაერთიანება, სადაც წელიწადში რამოდენიმე ანიმაციური ფილმი მზადდებოდა. ქართული ანიმაციურ ფილმებს უამრავი პრიზი აქვს მიღებული სხვადასხვა საერთაშორისო ფესტივალზე. დღეს ეს გაერთიანება აღარ არსებობს და ანიმაციური ფილმები ისე აღარ ფინანსდებიან როგორც ადრე. მაგრამ იყვნენ ადამიანები, ვისმა შრომამ, და შეიძლება ითქვას თავდადება, იმ რთულ წლებში ქართულ ანიმაციას სიკვდილი ააცილა. ეს იყო გელა კანდელაკი და მისი ყოფილი სტუდენტები, დღეს უკვე ასოცირებული პროფესორები ლაღო სულაქველიძე და დათო სიხარულიძე, რომლებიც ახლაც ასწავლიან მომავალ ანიმაციური ფილმების რეჟისორებს. ჯერ კიდევ 1997 წელს, მედია ფაკულტეტზე, პროფესორ ნანა იაშვილის დიდი ძალისხმევით, ფაქტიურად, ცარიელ ადგილზე შეიქმნა ანიმაციური სტუდია, სადაც მის დაარსებიდანვე მოღვაწეობს ასოცირებული პროფესორი ილია დოიაშვილი. მისი ხელმძღვანელობით მრავალი შესანიშნავი სადიპლომო და საკურსო ფილმები შეიქმნა. დღეს ამ ანიმაციურ სტუდიაში ილია დოიაშვილთან ერთად სტუდენტებს ასწავლიან ანიმაციას ასოცირებული პროფესორები ლელა ტაბლიასშვილი და ნანა სამანიშვილი. დღეს ანიმაციის სწავლების პროცესი და თანამედროვე ხარისხიანი ანიმაციური ფილმის ან რგოლის შექმნა მოითხოვს ახალ რესურსებს და ტექნოლოგიების გამოყენებას, და სწორედ ამიტომ, მედია ხელოვნების ანიმაციურ სტუდიას დიდი მხარდაჭერა და დახმარება ესაჭიროება.

ნახატი სამყაროს გაცოცხლება კი გრძელდება... ამ საქმის ერთგული ადამიანები კვლავ აგრძელებენ მრავალწლიან ტრადიციას. რამდენიმე წელია, რაც საქართველოს ეროვნული კინოცენტრი აფინანსებს ანიმაციურ ფილმებს, რითაც ცდილობს ხელი შეუწყოს ქართული ანიმაციის აღორძინებას.

შარშან სწორედ ეროვნულმა კინოცენტრმა დაფინანსა რამდენიმე მოკლემეტრაჟიანი ანიმაციური ფილმი. მათ შორისაა სამხატვრო აკადემიის კურსდამთავრებულის სანდრო ქათამაშვილის პროექტი "ზეზო". სანდროს მაყურებელი იცნობს მისი სადიპლომო სურათით "თევზი სახელად გვიდო" (პროფ. ილია დოიაშვილის სახელოსნო), რომელმაც რამდენიმე საერთაშორისო ფესტივალის ჯილდო მიიღო, (მათ შორის სანქტ-პეტერბურგის ფესტივალის "თეთრი ღამეების" ოქროს მედალი)

გაგრძელება ___032 dt

ვანო, ნიკო და შახანი
VANO,NIKO AND MATCHES



Noah tully. ესკიზი



Noah tully. 3D ვიზუალიზაცია





ფრაგმენტები ანიმაციური ფილმიდან "ბებო"

დასაწყისი ___ 031 dt



შტუტგარტი. ანიმაციური ფილმების საერთაშორისო ფესტივალი

ახლა სწორედ ფილმზე "ბებო" და მის შემოქმედებით ჯგუფის წევრებზე მინდა ვისაუბრო. ამ შემთხვევაში ეს ჩემთვის ადვილია, რადგან მე სანდრო ქათამაშვილის ერთ-ერთი პოეტიკური ვიდეო და ახლა მისი შემოქმედებითი ჯგუფის წევრი ვარ. ანიმაციის შექმნისას ძალიან მნიშვნელოვანია ის გარემო, სადაც იქმნება ფილმი, ჯგუფის წევრების ურთიერთდაზოვიანობა. ანიმაციისათვის ფილმის მუშაობა იგივეა, რაც მსახიობისათვის როლის გათავისება. თუ ფილმის შექმნისას ანიმატორს აქვს შესაძლებლობა მაქსიმალურად გამოიყენოს თავისი პროფესიონალიზმი და შემოქმედებითი პოტენციალი, ის უზრალოდ ბედნიერია და ეს აუცილებლად აისახება სურათზეც. სანდროს დამსახურებაა რომ მან სწორედ ასეთი გარემო და ბრწყინვალე ჯგუფი შექმნა, ჯგუფი ადამიანებისა, რომლებიც შეყვარებული არიან პროფესიასზე.

აქ თითქმის ყველა სამხატვრო აკადემიის კურსდამთავრებულია, პროფ. ილია დოიაშვილის და ჩემი სტუდენტები. ჯგუფის ერთ-ერთი წამყვანი ანიმატორი ნათია ნიკოლაშვილი თეატრისა და კინოს სახელმწიფო უნივერსიტეტის ანიმაციის რეჟისურის სპეციალისტის კურსდამთავრებულია (პროფ. ლადო სულაქველიძის სახელობა). ფილმის დამდგმელი მხატვარია რუსლან ბერიძე, სცენარისტები სანდრო ქათამაშვილი, არჩილ თაბუკაშვილი და ნიკოლოზ მდივანი, პროდიუსერი

ვოვა კაჭარავა. ანიმატორები-ნანა სამანიშვილი, ნათია ნიკოლაშვილი, გიორგი ფოფხაძე, ელინა ტოვსტანოვსკაია. ფილმის შინაარსზე საუბარს შეგნებულად თავს ვარიდებ, რადგან სურათი მალე გამოვა და მაყურებელი თავად შეაფასებს მას. იმედია, ფილმი ყველას მოეწონება, მანამდე კი მოვუსმინოთ რას ფიქრობენ თავად ჯგუფის წევრები:

სანდრო ქათამაშვილი: ვთვლი, რომ ქართულ ანიმაციაში ეს პროექტი დიდი ცვლილებების დასაწყისი გახდება.

ვოვა კაჭარავა: ეს ფილმი ესთეტიკურად ძალზე ლამაზია და ხარისხიანი და მნიშვნელოვანია, რომ მას ახალგაზრდები აკეთებენ. ვიმედოვნებ რომ ამის შემდეგ ჩვენ შევძლებთ გავაკეთოთ დიდი საინტერესო ანიმაციური ფილმი

ნათია ნიკოლაშვილი: ამ ფილმზე მუშაობამ ძალიან დიდი გამოცდილება შემძინა, დამეხმარა გაეზრდილიყავი როგორც ანიმატორი.

ელინა ტოვსტანოვსკაია (სამხატვრო აკადემიის მედიახელოვნების ფაკულტეტის კურსდამთავრებული): პროექტ "ბებოზე" მუშაობა ჩემთვის საინტერესო და მნიშვნელოვანი იყო არა მხოლოდ გამოცდილების მიღების თვალსაზრისით, არამედ ეს არის ძალიან ხარისხიანი პროდუქტი ამდენწლიანი კრიზისის ფონზე.

გიორგი ქაბუაძე (მედიახელოვნების პროფესიული სწავლების მეორე კურსის სტუდენტი): ჩემთვის ძალიან მნიშვნელოვანია ეს ფილმი, გარდა იმისა რომ გავიარე დიდი პრაქტიკა, ამ პროექტმა დამანახა ჩემი მომავალი პროფესიის ნამდვილი სახე.

ალსანიშნავია, რომ წელს შტუტგარტში ანიმაციური ფილმების საერთაშორისო ფესტივალის ფარგლებში ჩატარდა რობერტ ბოშის ფონდის ხელშეწყობით ანიმაციის კოპროდუქციის ფორუმი, სადაც მიიწვიეს ჩვენი ჯგუფის წევრები: ვოვა კაჭარავა, სანდრო ქათამაშვილი და ნათია ნიკოლაშვილი მათი ჯერ კიდევ დაუმთავრებელი ახალი პროექტებით და მე - ნანა სამანიშვილი, რომელიც ამ ფორუმის ყოფილი ერთ-ერთი წევრი გახლდით. ძალიან გასახარია იყო



გერმანელი კოლეგების დიდი ინტერესი ქართული ანიმაციის მიმართ. აქ მსოფლიოს სხვადასხვა ქვეყნის წარმომადგენლებთან ერთად საქართველოდან სხვა მონაწილენიც იყვნენ: დათო კიკნაველიძე (ანიმაციური ფილმის რეჟისორი) და გიორგი ივანიშვილი (საზოგადოებრივი მაუწყებელი - 1 არხი).

ფორუმის ფარგლებში ჩატარდა მრავალი ტრენინგი, დისკუსია. ამის გარდა ჩვენთვის არანაკლებ საინტერესო იყო შტუტგარტის საერთაშორისო ანიმაციური ფესტივალის საკონკურსო ფილმების ნახვა. ეს ფესტივალი მსოფლიოში ერთ-ერთი მნიშვნელოვანია, შესაბამისად ნაჩვენები იყო მეტად საინტერესო პროგრამა. ფორუმზე სხვადასხვა ქვეყნებიდან წარმოდგენილ პროექტებს შორის საუკეთესოდ დასახელდა ნათია

ნიკოლაშვილის პროექტი "ლილე", რომელიც ახლა უკვე შესაძლოა უცხოელ პარტნიორებთან ერთად განვითარდეს

ვთვლი რომ დღეს ასეთ ფორუმებზე მონაწილეობა ძალიან დროულია, ახალგაზრდებისთვის ეს არის საკმარისი დიდი გამოცდილების მიღების საშუალება. ფილმის ავტორი უკეთ ერკვევა თუ როგორ განვითარდეს პროექტი და მოიპოვოს დაფინანსება, რაც ერთობ აქტუალურია დღეს ქართული ანიმაციური კინოს განვითარებისათვის. დამყარდა ურთიერთობები ამ სფეროს ძალიან ცნობილ და წარმატებულ პროდიუსერებთან, რეჟისორებთან და ანიმატორებთან, რაც ასევე უმნიშვნელოვანესია ქართული ანიმაციის მსოფლიო სივრცეში ინტეგრაციისათვის.

////////// ნანა სამანიშვილი

ლამაზ ბროძელი 25 წლის დაიბადა და ცხოვრობს თბილისში. მუშაობს სარეკლამო კომპანია creator-ში. 2 წელი მუშაობდა "1-სტერეოზე".

dt_ სად დააგროვო ცოდნა და გამოცდილება სწავლით აქ მაქვს ნასწავლი, ინტერნეტში ბევრი ქექვით და საკუთარ პროექტებზე ექსპერიმენტებით, გამოცდილებას რაც შეეხება შეიძლება ითქვას რომ არ მაქვს, 2 წელი ჩემი აზრით არ არის საკმარისი გამოცდილების დასაგროვებლად, ამჟამად სწავლისა და გამოცდილების დაგროვებს პროცესში ვიმყოფები.

dt_ რა კომპიუტერულ ტექნოლოგიებს იყენებ? სტანდარტულს არაფერს განსაკუთრებულს 17

dt_ სამომავლოდ რა გეგმები გაქვს? ბესო მკვანაძესთან ერთად ვმუშაობ მანქანის 2013 Smart ForTwo-ს მეფინგზე, 2013 Smart ForTwo -ს პრეზენტაციისთვის, რომელიც უკრაინაში მოეწყობა.

dt_ რა ასპექტში შეიმჩნევა ჩვენი ტელეარხების გრაფიკაში მსოფლიო ტენდენციების გაზიარება ძირითადად საინფორმაციოს გაფორმებაში. ზოგადად არხის შეფუთვაშიც ასე-თუ ისე უკან მივხდებით.



DeaDApple

<https://vimeo.com/brodzell/videos>



დაფაზე რამდენიმე ფიგურა დახატული - წრე, კვადრატი, სამკუთხედი... „ვორქშოფზე“ დამსწრეებმა მათი გამოყენებით ქალისა და კაცის ურთიერთობის ვიზუალური გამოსახულება უნდა შექმნან, თანაც ისე, რომ სივრცე აუცილებლად იგრძნობოდეს. ეს ლექტორის მთავარი მოთხოვნაა. მას მაღალი შუბლი აქვს და ეშმაკური გამობხედვა. ნამუშევრებს ერთი შეხედვით აფასებს და ბევრს ხუმრობს. ამბობს, რომ დიზაინერი და მხატვარი სინამდვილეში ერთი რაღაცით განსხვავდებიან - პირველი უფრო ხშირად ბანაობს. ის მართალია, ამ ორი პროფესიის ადამიანს ძალიან ბევრი აქვთ საერთო - შემოქმედებითი ნიჭის გარეშე დიზაინერი ვერ გახდება...

ლექტორი პეტრე ბანკოვია, 350-ზე მეტი არტ-პროექტის ავტორი, დიზაინ სტუდიის „Design Depot“ დამფუძნებელი და კრეატიული დირექტორი, მისი დაარსებული გრაფიკული დიზაინი ჟურნალი [Kak], ასევე გამოსცემს ჟურნალს „კრეატიული დირექტორი“... მასთან ერთადაა სერგეი სეროვი, რუსეთში გრაფიკული დიზაინის სფეროში ყველაზე ავტორიტეტული ადამიანი, რომელმაც ახლახანს ქართველ დიზაინერებს თანამედროვე გრაფიკულ დიზაინზე ძალიან საინტერესო ლექცია წაუკითხა. ის, რომ თბილისში ეს სემინარი ტარდება, საქართველოს საზოგადოებრივ საქმეთა ინსტიტუტის და ლაბორატორია 919-ის დამსახურებაა, სწორედ მათი ინიციატივით მოხდა ორი პროფესიონალის აქ ჩამოყვანა. 'რამდენიმე ენთუზიასტმა გაერთიანა რესურსები და ძალისხმევა იმისთვის, რომ დაიწყონ ასეთი სასწავლო ღონისძიებების სერია, რაც ხელს შეუწყობს ადგილობრივი დიზაინერების კვალიფიკაციის ამაღლებას', - გვითხრა სეროვმა.



სერგეი სეროვი (მარჯვნივ) და გიგა ხატიაშვილი - ლაბორატორია 919

მიმართ, რაც ადრე გააჩნდათ ფერმწერებს, ახლა მატერიალიზდება გრაფიკულ დიზაინში. ადარ შეიძლება იმის თქმა, რომ ხელოვნება არის დიზაინის ფორმირებაში ჩართული, დღეს გრაფიკული დიზაინერია მთავარი შემოქმედი.

გრაფიკული დიზაინერის პროფესია მთელს მსოფლიოში მოთხოვნილია. თუ ვისაუბრებთ რუსეთზე, ეს არის დიზაინის ერთადერთი სპეციალიზაცია, თუ არ ჩავთვლით ინტერიერის დიზაინს და არქიტექტურას, რომელიც ნამდვილად პოპულარულია.

რუსეთში დიზაინერები არიან, რუსული დიზაინი კი არ არსებობს. პარადოქსია, მაგრამ ეს მართლაც ასეა. რუსეთი თავისი ბუნებით არადიზაინერული ქვეყანაა. ისტორიულად ყოველთვის ასე იყო - ადამიანებს აქ არასოდეს უყვარდათ სივცხლე. მათ მოსწონდათ სიკვდილი (სასურველია გმირულად), ამბრაზურაზე გადაფარებით, ხანძრისგან ბავშვის გადარჩენით, რადგან ესაა რუსული პარადიგმა - გმირული საქციელი. დიზაინი კი ყოველდღიური ცხოვრების ხელოვნებაა. რუსეთში არასოდეს აქვედნენ ყურადღებას იმას, რაც ქრისტემ თქვა - „გიყვარდეს მოყვასი შენი“. დიზაინი კი, მოგვხსენებათ, ადამიანების სიყვარულის გამო იქმნება. მოყვასის სიყვარული რუსეთში ის ცნებაა, რომელიც დღესასწაულებზე ახსენდებათ. თქვენც ხომ მშვენივრად იცით - ეს ქვეყანა არაპულმანურია. შესაბამისად, ქვეყნის კულტურული „ბექგრაუნდი“ არ უწყობს ხელს დიზაინის სფეროს განვითარებას.


ზოგადად, დიზაინერი მთავარ როლს თამაშობს ქვეყნის კულტურულ განვითარებაში, რუსეთში კი საზოგადოება ამას არ ეთანხმება, რადგან ამისთვის არ არსებობს ადეკვატური კულტურულ-სოციალური მზაობა. ასე რომ, დიზაინი, რომლითაც დასავლეთში გაუდნთილია ყოველდღიური ცხოვრება, აქ უცხო ფენომენია.

dt_ ეს ალბათ არა მხოლოდ რუსეთის, ზოგადად, პოსტ-საბჭოთა ქვეყნების პრობლემაა...

ს.ს.: საინტერესოა, რომ საბჭოთა დიზაინის მთავარი მიღწევები სწორედ ანტისაბჭოთა ხასიათისაა. ასე რომ, დიზაინის განვითარებისთვის ეს პერიოდი ძალიან საინტერესო იყო. გასული საუკუნის 60-იანებში, როდესაც დიზაინმა აღორძინება დაიწყო, საბჭოთა დიზაინერს უწევდა გადაეღებინა არა მხოლოდ ღრმა კულტურული „ბექგრაუნდი“, ადამიანების ვიზუალური მიმართ დამოკიდებულებაც, რომელიც



ბიენალე 'Golden Bee 10' -ზე წარდგენილი პლაკატი. Liu Xiaowei ჩინეთი



ჟურნალი "Kak". წინა და უკანა ყდა

სერგეი სეროვი: „დიზაინერობა შემოქმედებითი პროფესიაა და რთულია იმის თქმა, რამდენად შეიძლება ისწავლოს ის ნებისმიერმა ადამიანმა. „ხელოვნების მომზადება არ ჰგავს კადრების მომზადების პროცესს. ზოგადად, ტექნიკური უნარ-თვისებები, ზოგადი კულტურა საკმარისია იმისთვის, რომ ერთი ჩვეულებრივი, რიგითი დიზაინერი გახდეს, იჯდე კომპიუტერთან და შენი საქმე აკეთო. ვიზუალური აზროვნება და კარგი გემოვნება მაინც ის კომპონენტებია, რაც დიზაინერს აუცილებლად სჭირდება. აი, როცა საქმე შემოქმედებით და ნაკლებად ტექნიკურ პროფილს ეხება, აქ მასწავლებლის როლი მნიშვნელოვნად იზრდება. დიზაინის სწავლება მხოლოდ დიზაინერს შეუძლია და არა პედაგოგს, რომელიც სხვების აღმოჩენებზე ჰყვება. ეს შეუძლიათ მხოლოდ იმათ, ვინც ძერწავს თანამედროვე კულტურას და ჩართულია შემოქმედებით ცხოვრებაში. ასეთი ხალხი კი პედაგოგიურ საქმიანობას ნაკლებად ეწევა, ისინი თავიანთ სახელოსნოებში არიან შეყუარებული, საკუთარ პროექტებზე მუშაობენ, საერთოდ, ცოტა არის მაღალი დონის დიზაინერი, მთელ რუსეთში ასეთი მხოლოდ ორი-სამი ათეული ადამიანია, არადა, ყოველ წელს სამასამდე დიზაინერი მაინც იღებს დიპლომს. ისე, მთელ მსოფლიოშიც ასეთი სიტუაციაა“, - ჰყვება სეროვი. მას მიაჩნია, რომ პროფესიონალების მოწვევის ტრადიციის დამკვიდრება აუცილებელია, თუ გვინდა, რომ ადგილობრივი დიზაინერების კვალიფიკაცია ამაღლდეს. მითუმეტეს, როცა ეს არც ისე რთულია, რადგან არსებობს ბევრი ე.წ. „მომთაბარე“ პროფესორი, რომელიც სხვადასხვა ქვეყნებში მიგზავნიან და მასტერ-კლასებს ატარებს.

მუშაობენ ვიზუალურ ინფორმაციასთან, დღეს კულტურის ავანგარდში არიან. შესაბამისად, დღეს ვიზუალურ კომუნიკაციასთან მუშაობა ნიშნავს გახდეს ის, ვინც თანამედროვე კულტურის შემოქმედებითი ლიდერია.

dt_ მსოფლიოში გრაფიკული დიზაინის რომელი ჟანრი მიგაჩნიათ ყველაზე აქტუალურად?

ს.ს.: პროფესიული განვითარების თვალსაზრისით, მე ყველაზე აქტუალურად მიმაჩნია ჟანრი, რომელმაც თითქმის უკვე ამოწურა თავისი ფუნქცია. ვგულისხმობ პლაკატის ჟანრს. უკვე ოცი წელია ორგანიზებას ვუკეთებ მოსკოვის საერთაშორისო ბიენალეს, რომელზეც პლაკატის გამოფენები იმართება. პლაკატი, რომელიც უკვე გათავისუფლდა ფუნქციისგან, რომ გადმოსცეს მხოლოდ ოპერატიული ინფორმაცია, კრეატიული თვალსაზრისით ძალიან მნიშვნელოვანია და თანდათან უფრო დიდ მნიშვნელობას შეიძენს. თუ სოციალური თვალსაზრისით განვიხილავთ, მაშინ უნდა აღვნიშნოთ ვებ-დიზაინის სფერო, ელექტრონული გამოცემები, ყველაფერი, რაც დაკავშირებულია ელექტრონულ ინფორმაციასთან, თუმცა ეს ჟანრი ჯერ კიდევ ძალიან შორსაა იმ მიღწევებისგან, რაც უკვე გააჩნია პოლიგრაფიულ, ბექედით დიზაინს. ისე კი, მას დიდი მომავალი აქვს, რადგან მისი აქტუალურობა თანდათან სულ უფრო იზრდება.

სეროვი ექირობს, რომ თანამედროვე ხელოვნება გრაფიკულ დიზაინზე გავლენას ადარ ახდენს:

მე უფრო ვფიქრობ, რომ ახლა უკვე პირიქით, გრაფიკული დიზაინი ახდენს მასზე გავლენას. დიზაინი ბევრი რამითაა დავალებული თანამედროვე ხელოვნებისგან. ფუტურისტებმა საუკუნის დასაწყისში წიგნებზე გადაიტანეს ყურადღება და რევოლუციონერული მეთოდით წასწიეს წინ დიზაინი, მეოცე საუკუნის კლასიკური პარადიგმა შეცვალეს. მათ შორის იყვნენ ძმები ზდანევიჩები, უფრო ადრე მონმარტრის მხატვრები - პლაკატის წარმოშობას სწორედ მონმარტრის სკოლას უნდა ვუმაძღვოდეთ. დღეს კი თანამედროვე ხელოვნება თითქმის უარყოფს ვიზუალურ ფორმებს, კონცეფციებზეა გადართული. თანამედროვე ხელოვნებაში სანახავი ელემენტარულად აღარაფერი დარჩა. პლაკატი კი, რომელიც გათავისუფლდა ფუნქციონალური დატვირთვისგან, მნახველს სიამოვნებას ანიჭებს. ის ინტერესი ფორმის

სერგეი სეროვი icograda -ს საპატიო წევრია, რომლის ინიციატივით 27 აპრილს მსოფლიოში საკომუნიკაციო დიზაინის საერთაშორისო დღე აღინიშნება და ასევე, ყოველწლიურად ტარდება პროფესიონალური კვირეული სხვადასხვა ქვეყანაში. თბილისში ჩატარებული სემინარიც სწორედ ამ დღეს დაუკავშირეს. თუმცა, როგორც სეროვი ამბობს, კომუნიკაცია არა მხოლოდ ამ ვიზიტის, მთელი ცხოვრების მთავარი თემაა.

ს.ს.: ჩვენ პოსტ-ინდუსტრიულ, ინფორმაციულ ეპოქაში ვცხოვრობთ. ინფორმაციასთან კი სწორედ გრაფიკის დიზაინერები მუშაობენ. უფრო მეტსაც გეტყვით, თანამედროვე სამყარო არა მხოლოდ ინფორმაციული საზოგადოებაა, ეს არის სამყარო, სადაც ერთ ჩვეულებრივ სურათს შეუძლია ჩანაცვლოს დიდი ტექსტი. ამიტომ, ის პროფესიონალები, რომლებიც

საბჭოთა ეპოქაში კულტივირდებოდა მხოლოდ პროპაგანდისტული და იდეოლოგიური პლაკატის სფეროში. საბჭოთა კავშირი დიდი ციხე იყო, ციხეში კი რა დიზაინს გააკეთებ - საწოლს გახდი უფრო კომფორტულს? მთელი ქვეყანა საბრძოლო ბანაკი იყო. საბჭოთა ადამიანს არ უნდა ეცხოვრა კომფორტულად, ის უბრალოდ, უნდა ყოფილიყო მზად საყოველთაო მობილიზაციისთვის.

ამ ყველაფრის გათვალისწინებით, იმისთვის, რომ პოსტ-საბჭოთა ქვეყნებში დიზაინის სფერო განვითარდეს, ერთი რამაა საჭირო - გავხდეთ თავისუფალი ადამიანები, ვიცხოვროთ თავისუფალ სამყაროში. ეს ორი რამ მჭიდრო ურთიერთკავშირშია - თავისუფალ ადამიანს სჭირდება ინდივიდუალიზაცია და არა სამხედრო უნიფიკაცია.

dt_ ქართულ გრაფიკულ დიზაინზე რა აზრის ხართ?

ს.ს.: ადგილობრივ გრაფიკულ დიზაინს ძალიან ცუდად ვიცი, ბიენალეზე, რომელსაც მე ვატარებ, არც ისე ხშირად გამოერევა ხოლმე ქართული ვგარები. თუ ქუჩაში გავილი და ადგილობრივ ბექედურ მედიას გადაავლებ თვალს, მიხვდები - მომავალი ქართულ გრაფიკულ დიზაინს ჯერ კიდევ წინ აქვს. თქვენ გაქვთ კოლოსალური პრობლემა, რაც დაკავშირებულია უნიკალურ გრაფიკულ სისტემასთან. ქართველი დიზაინერები ცდილობენ მიხამონ მსოფლიო ბრენდებს და ეს არც ისე კარგია. ირანშიც არის ეს პრობლემა - აქვთ ეს გაუყვარბი სიმბოლოები, არაბული გრაფიკა, მაგრამ ამისგან მათ შემდგეს მსოფლიო დონის მოვლენის შექმნა, ყველა ირანულ პლაკატზე ჩანს ლათინური ასოებიც და „სპარსული“ ასოების მოხაზულობაც. ირანული დამწერლობის დამოკიდებულება მსოფლიო დამწერლობასთან აქაურისგან განსხვავდება. ირანში ასლის გაკეთების მცდელობა არ არის, ეს ყველაფერი ქალისა და კაცის ურთიერთობას გვაგონებს, ერთმანეთის შემავსებელია წყვილია. საქართველოში კი ვხედავთ თითქოს ჰომოსექსუალურ კავშირს. თუ მსოფლიო ბრენდს თარგმნი ირანულად, ეს არ უნდა მოხდეს სიტყვასიტყვით, არამედ შემოქმედებითად, უნდა იგრძნობოდეს, საიდან მოდის ეს ყველაფერი, მაგრამ არც მახინჯი, ზრმა ასლი კეთდებოდეს. ამაშია ადგილობრივი დიზაინის განვითარების წინაპირობა. თქვენ უნიკალური მექვიდრეობა გააჩნიათ, მსოფლიოში ხომ სულ რაღაც თოთხმეტი დამწერლობაა, ეს არის იშვიათი, უნიკალური სიმბოლოები, რომელიც ითხოვს დიზაინერების მხრიდან შემოქმედებით მიდგომას.

სერგეი სეროვი ფიქრობს, რომ დიზაინის სფეროს განვითარების თვალსაზრისით საქართველოს უფრო მეტი პოტენციალი გააჩნია, ვიდრე რუსეთს. „ხომ იწვევთ დასავლელ, ამერიკელ სპეციალისტებს, რომ მოგივარონ საგზაო, სოციალური პრობლემები, იყენებთ საერთაშორისო გამოცდილებას სხვადასხვა სფეროს განვითარებისთვის... ზუსტად ასევე შეიძლება მოიწვიოთ გრაფიკული დიზაინის ვარსკვლავები, რომ დაგეხმარონ პრობლემების გადაჭრაში, ახალი გზების ძიებაში. რუსეთი პოლიტიკურად გაცილებით მეკადარი ქვეყანაა, ვიდრე საქართველო. ჩვენთან ასეთი რაღაცეები სახელმწიფოს მხარდაჭერის გარეშე კეთდება, გმირი ენთუზიასტების წყალობით. სახელმწიფო უნდა ზრუნავდეს ამაზე, ნუ დაელოდებით, როდის გამოვა ხალხი ქუჩაში და მოითხოვს, რომ ჩამოიყვანონ მსოფლიო დონის დიზაინერები, რომლებიც გადაწყვიტენ ეროვნული ვიზუალური გრაფიკის პრობლემებს, ეს არ მოხდება...“



და სანამ ეს თამაში ლეგალურია...

////////// ნესტან კვინიკაძე



დასაწყისი ___040 dt

ბოლო დროს თბილისში, შემორჩენილი საბჭოური კიჩების პარალელურად გაჩნდა ახალი, ახალი როგორც ფორმის ისე კონცეფციის კედლის მხატვრობა, რომელიც ისე როგორც ყველა სხვა ქალაქს ერთგვარ ხიბლს მატებს ზოგად ექსტერიერს. ეს ფაქტია, რომ მეტ-ნაკლებად, აქ ცოცხალი ადამიანები თურმე მაინც ცხოვრობენ.

ასეთი ცოცხალი მოქალაქეების რიგშია, მხატვარი, რეჟისორი, მთამსვლელი, მაშველი, მოთხილამურე, ბაიკერი, რეჟისორი და მსახიობი გიორგი მასხარაშვილი, რომელიც ამ ფართო დიაპაზონიდან გამომდინარე, ყველგან და ყოველთვის ტოვებდა კვალს.



აქ წარმოდგენილ იმიჯებში, კარგად ჩანს, როგორ შეიძლება გარდაიქმნას ერთი მოცემული სივრცე; გაჩნდეს სიღრმე და ილუზიური სამყარო, რომელიც ასოციაციების და განწყობის ინსპირაციას განაპირობებს.

გიორგი მასხარაშვილის დახვეწილი და კინემატოგრაფიული გრაფიკა, ყოველთვის ინდივიდუალურია, ის გიზიარებს ამბებს და გთავაზობს თამაშის წესს, ანუ იმას, რის გარეშეც ყოველდღიურობა ასეთი მოსაწყენია.



მეტროგრაფი არის თბილისში განთავსებული გრაფიკული სტუდია, რომელშიც ამზადებენ სატელევიზიო სარეკლამო რგოლებს, და მოკლე ანიმაციურ ფილმებს. ჩვენ დაუსვით რამდენიმე შეკითხვა სტუდია მეტროგრაფის ხელმძღვანელს გიგი კვანტალიანს

dt_ როდის დაარსდა სტუდია მეტროგრაფი?

სტუდია მეტროგრაფი დაარსდა 2008 წელს აგვისტოს ომის შემდეგ. შევიკრიბეთ რამოდენიმე გრაფიკოსი და ერთობლივი ძალებით შევექმენით ახალი სტუდია.

dt_ ძირითადი მიმართულება...

ჩვენი ძირითადი მიმართულება დღეს დღეისობით, არის სატელევიზიო გრაფიკული რგოლების დამზადება, თუმცა ასევე გვიმუშავია არაერთ მუსიკალურ კლიპზე, მოკლემეტრაჟიან ანიმაციაზე და სრულმეტრაჟიან ფილმზე.

dt_ სარეკლამო რგოლის დამზადებისას პირადად თქვენთვის მთავარია სცენარი (იდეა) თუ ტექნიკურად მაღალი ხარისხის პროდუქტის მიღება. რომელი უფრო პრიორიტეტულია? ესე ვერ გამოვყოფ, ვინაიდან საბოლოო შედეგისთვის სცენარიდან დაწყებული, ტექნიკური შესრულებით დამთავრებული ყველაფერი არის უმნიშვნელოვანესი მაღალი ხარისხის მისაღწევად.

dt_ რა შეგიძლიათ გვითხრათ თქვენ ახალ პროექტზე "Noah tully" -ზე.

"Zilion Zaboodles" - არის სრულმეტრაჟიანი ანიმაციური ფილმის პროექტი, რომელზეც უკვე დიდი ხანია ვმუშაობთ.

dt_ სტუდიის ლოგოში გამოყენებულ ვექტორული სპილო რამესთან ასოცირდება?

ეს კორპორატიული საიდუმლოებაა :)))

dt_ რა მიმართულებით აპირებთ სამომავლო პროექტების წარმართვას?

სამომავლოთ ვაპირებთ, უფრო მეტად გადავერთოდ სრულმეტრაჟიან ანიმაციურ ფილმებსა და მხატვრული ფილმების ვიზუალურ-ეფექტებზე.





undergo. the parallels

ნასტასია არაბული



24 მაისიდან 3 ივნისის ჩათვლით, ყველას, ვინც თბილისის ქუჩებში მოხვდებოდა, საშუალება ჰქონდა მიწისქვეშა გადასასვლელებში ახალი, მანამდე უნახავი არტისტული გამოხატულებები გაეზიარებინა. ყველას, ვინც ამ საშუალებას გამოიყენებდა შეეძლო თავისუფლად ევლო წითელ ხალიჩაზე, განედევნა შიშები, ესროლა ვარსკვლავები და შეეგრძნო უკვე ათვისებული და ათიათასჯერ გამოყენებული საზოგადოებრივი სივრცე ახლებურად.

ევროკავშირის პროექტის 'სივრცეები' ფარგლებში, არასამთავრობო ორგანიზაცია GeoAir -ის ორგანიზებით მოწყობილ გამოფენებში 12 ქვეყნიდან ჩამოსული 21 ხელოვანი მონაწილეობდა. პროექტი ხელს უწყობს სახელოვნებო აქტივობებს საზოგადოებრივ სივრცეში და მიზნად ისახავს ურბანული საზოგადოებრივი სივრცის ხელოვნებისა და კულტურული დონისძიებების მეშვეობით სამოქალაქო ფუნქციის დაბრუნებას/ადგენას.

დღესდღეობით თბილისის მიწისქვეშა გადასასვლელები არასწორი და ქაოტური მიმართულებით ვითარდება, ზოგ მათგანში მოწესრიგებული კომერციული ფართები შენდება და იხსნება, ზოგიერთი ნგრევის პირას არის, ასევე არის მიწისქვეშა გადასასვლელები, რომლებმაც მათი პრაქტიკული აუცილებლობის მიუხედავად ფუნქცია დაკარგეს და ფაქტობრივად ნაგავსაყრელად ან საზოგადოებრივ საპირფარეშოებად არის ქცეული.

undergo. the parallels ერთი კვირის განმავლობაში თბილისის 9 მიწისქვეშა გადასასვლელს მოიცავდა. მიწისქვეშა გადასასვლელებმა, რომლებიც საბჭოთა კავშირის დამლის შემდეგ, მიწისქვეშა არსებობის სხვადასხვა ეტაპს გადიოდნენ, პროექტის ფარგლებში ახალი ფუნქცია შეიძინეს. ისინი არა მხოლოდ გზის ერთი მხრიდან მეორეზე უსაფრთხოდ გადასვლის ადგილებად, არამედ იმ სივრცედ იქცნენ, სადაც ხელოვნება კეთდება, ხელმისაწვდომი ხელოვნება, იქვე, შენს თვალწინ.



პროექტს "undergo. the parallels" ორი მთავარი მიზანი აქვს : - პრაქტიკული და არტისტული.

პრაქტიკული თვალსაზრისით – თბილისის მოსახლეობისთვის სურვილისა და ინტერესის გაჩენა, გამოიყენოს მიწისქვეშა გადასასვლელი. მსგავსი პროექტების მიზანია, ქალაქის მმართველობის ყურადღების მიქცევა ამ მიწისქვეშა გადასასვლელების აუცილებლობაზე, მათ დასუფთავებაზე და მომხმარებელთათვის მისაღებ მდგომარეობაში მოყვანაზე. მეორეს მხრივ აქ საინტერესო გარემოს შექმნა, სადაც ხელოვანები ყველას თვალწინ მუშაობენ და მიწისქვეშა გადასასვლელების ათვისებისთვის დამატებით მოტივაციას ქმნიან.



მხატვრული ღირებულების თვალსაზრისით, ადგილ-სპეციფიკური ნამუშევრები (განათებები, თუ ხმოვანი ინსტალაციები, ფოტოები, ქუჩის ხელოვნება (street art) და სხვა), რომლებიც სპეციალურად პროექტისთვის შეიქმნა, მიმართული იყო კონკრეტულად სოციალურ-პოლიტიკურ და პრაქტიკული თემების გასააზრებლად.

პროექტში მონაწილეობდნენ:

აგნიეჟკა პოკრივკა, ალექს აქსინტე / კრისტი ზორჩანი როგორც სტუდიო ბაზარი, ალისია როგალსკა, ანდრეა შნემაიერი, არტ ლაბორატორია, ფრაუკე შმიტი / იან პაულ ჰერცერი / მაქს კულმანი, გიორგი კვინიკაძე, ჰანს როზენშტრომი, ჰელმუტ კანდლი, ირინა ქურთიშვილი / ანდრეას მ. კაუფმანი, ჯონათან კარკუტი / ჯული სკოტი / ტორანჯ ბონსარი, კატარინა შტადლერი, ქეთო ლოგუა, მაგდალენა კუხტოვა, მამუკა სამხარაძე, მარიამ ოპლინგერი / სოფი ჰოფერი / კოკა ვაშაკიძე, კონსტანტინე მინდაძე, კოტე სულაბერიძე, ლუდვიგ კიტინგერი / ფერნანდო მესკიტა, მიხალ მორავჩიკი, ნატალია ნებიერიძე, ნუკა მეგრელიშვილი, ოლივერ რესლერი, რომანა შმალიში, მარიამ ბესიაშვილი / ინგა სამხარაძე / თამარ ჩადუნელი / რუსკა აბესაძე, შტეფან რუსუ, თამარ გურგენიძე, თამუნა ქარუმიძე, ტილმან მაიერ ფაიე, VASILI დავით ჩიხლაძე, კოკა რამიშვილი, ნიკო ცეცხლაძე, მამუკა ცეცხლაძე, ლია შველიძე, ვია რიგვავა, ოლეგ ტიმჩენკო, მამუკა ჯაფარიძე წარმოდგენილი არქივის მასალაში.

ფოტო: ნინი ფალავანდიშვილი, გეოვარი





CAPAROL

~ *Since 1885* ~



ევგენი ასეს ლექცია თბილისში



ლუქსემბურგის საელო

4 ივნისს, თბილისში ევროპის კვირეულის ფარგლებში მოსკოველი არქიტექტორის, ევგენი ასეს ლექცია გაიმართა სახელწოდებით "HORIZON, FENCE AND SHADOW - ჰორიზონტი, ღობე და ჩრდილი".

ლექციაზე, არქიტექტორმა წარმოადგინა 1997 წელს დაარსებული არქიტექტურული სახელოსნოს asse architects მიერ შექმნილი სახელოვნებო და არქიტექტურული პროექტები.

არქიტექტორი შეეცადა აეხსნა თუ რატომ გახდა ჰორიზონტის, ღობისა და ჩრდილის თემა მისი დაკვირვების და შესწავლის საგანი და როგორ აირეკლა ეს თემები მის არქიტექტურულ ნაწარმოებებში. ისეთი ვიზუალური გამოსახულებების ერთიანობამ, როგორც ჩანახატების, სხვა და სხვა დროს გადაღებული პეიზაჟების, არქიტექტურული დეტალების და განხორციელებული პროექტების ფოტოების, დამსწრე საზოგადოებას საშუალება მისცა გაცნობოდა არქიტექტურული იდეების გენერირებისა და განვითარების ძალზედ საინტერესო პროცესს.

არქიტექტორის შემოქმედების გაცნობით მსმენელს ასევე საშუალება მიეცა წარმოდგენა შეექმნა ევგენი ასეს ესთეტიურ მსოფლმხედველობაზე, რომელიც თავად არქიტექტორის თქმით, ბევრ საერთოს ნახულობს პროტესტანტულ ესთეტიურ ტრადიციასთან. მართლაც, წარმოდგენილი ობიექტები და ინსტალაციები პურიზმით, ზედმეტობისაგან დაცლილი სისადავითა და პოეტურობით გამოირჩეოდა.

გადრა უაღრესად დახვეწილი და საინტერესო პროექტების პრეზენტაციისა ევგენი ასემ ახალგაზრდა თბილისელ არქიტექტორებს საფიქრელად პასუხგაუცემელი შეკითხვებიც დაუტოვა. პრეზენტაციის ბოლო სლაიდი, ინგლისურენოვან წარწერას "Architecture" უჩვენებდა. ტექსტის ბუნდოვანი, გაგრეცილი, რთულად ამოსაკითხი გამოსახულება სიტყვის ამოუწურავ არსზე მიუთითებდა და ლექციის დასაწყისში დასმულ შეკითხვას უბრუნდებოდა, და მაინც, რა არის არქიტექტურა?


////////// ნანო ზაზანაშვილი



გოლფ კლუბის სამურნეო ბლოკი



ოფისი ჩელობიტეკოში. ინტერიერი



ოფისის შენობა ჩელობიტეკოში



სააგენტო ქმნის ბიზნეს ბარათებს ბეტონისგან <http://www.murmure.me/beton/>

ფრანგული დიზაინ სააგენტო Murmure's ბიზნეს ბარათები გამოირჩევა ყველა დანარჩენისგან მხოლოდ მისი უჩვეულო მასალით - ბეტონით.

designtaxi.com



Matt Richardson -ის მიერ შექმნილი პროექტი აღწერითი კამერა საკმაოდ მარტივია - ვაფიქსირებთ კადრს, ვაჭერთ გადაღებას და გამოდის ფოტოს ტექსტურული აღწერილობა - [ძირითადი შინაარსი] ისე როგორც პოლაროიდი. მოწყობილობა შედგება USB ვებკამერისგან, გადასაღები დილაკისგან და Ethernet დაკავშირებისგან.

როდესაც მომხმარებელი იღებს ფოტოს, ის იგზავნება Ethernet-ის საშუალებით Amazon's Mechanical Turk API-ში აქ მომუშავე პერსონალი ათვალიერებს ფოტოს და შემდეგ აღწერს რასაც ხედავს. როგორც კი აღწერილობა შეიქმნება, კამერის თერმული პრინტერი ბეჭდავს ტექსტს.

prote.in

Torafu Architects -ის მიერ შექმნილი ჭკვიანური მინიმალისტური და პორტაბელური კონსტრუქცია მოაჯირზე პატარა მაგიდისავით მარგდება. ხისგან დამზადებულ Sky-Deck -ს აწარმოებს Ishinomaki Laboratory, რომელიც 2011 წლის მარტში ცუნამით განადგურებული ქალაქ იშინომაკის რეკონსტრუქციისთვის დაარსდა. ჰაერში მცურავი Sky-Deck -ი ვიწრო აივნებიდან ქალაქის ფარგლებში იჭრება და ნებისმიერ მოაჯირთან ან სახანძრო კიბესთან მიმაგრებით მყუდრო გარემოს ქმნის.

TreeHugger



designtaxi.com



ნათქვამია, რომ land rover -ის ავტომობილებს შეუძლია ყველანაირი წინააღმდეგობის გადალახვა უდაბნოშიც, მაგრამ შეძლებენ იგივეს ავტომობილის მეპატრონეები?

იმისთვის, რომ land rover -ის მფლობელები გაუმკლავდნენ სასიცოხლო პრობლემებს, თუ როდესაც უდაბნოში გაიჭედებიან, land rover -ი მათ სთავაზობს პირველადი დახმარების, გადასარჩენ გიდს, რომელიც AD სააგენტო young & rubicam dubai -ის თან კოლაბორაციით დამზადდა. წიგნში მოცემულია მითითებები თუ როგორ ავაშენოთ თავშესაფარი, გავუშვათ სიგნალი დახმარებისთვის, ავანთოთ ცეცხლი, მოვიწვიროთ ჩიტები და ჩრდილოეთ ვარსკვლავის გამოყენებით ორიენტაცია აღვიდგინოთ.

რაც ყველაზე მთავარია, უკიდურეს შემთხვევაში, ამ წიგნის მირთმევეც არის შესაძლებელი! წიგნი დამზადებულია საკვები ფურცლისა და მელნისგან, მისი მეტალის სამაგრის გამოყენება შესაძლებელია როგორც შამფური, ხოლო მისი ამრეკლავი შეფუთვით შეიძლება დახმარების სიგნალის გაცემა.



Mairi says, "Self-watering planters are a no-brainer for plant serial killers -- but until now most looked like some kind of Frankenstein science experiment."

TreeHugger თვითმორწყვადი ქოთანის ინოვაციური ტექნოლოგიების გამოყენებით ერთ მთლიან ფორმაში კარიბ რაშიდის დიზაინით.



სატრანსპორტო პროდუქციის კომპანია - RYNO მოტორსი არ ჩერდება და მოტორიზებულ ბაზარს ამ წლისთვის სიახლეებს სთავაზობს. კომპანიამ გამოიგონა ტრანსპორტი, რომელიც ჩვეულებრივი სკუტერის ფუნქციებს ითავსებს. "Micro-Cycle" -ს აქვს ერთი ბორბალი და დადის ელექტრონული მოტორის საშუალებით, რომელსაც გააჩნია წულოვანი დაბნისურება. 125 კილოგრამს იწონის და თავისი დიზაინით საუკეთესო საშუალებაა ქალაქში სასიარულოდ. მოტოციკლეს შეუძლია საათში 15 მილის გაღვა. "Micro-Cycle" გამოვა 2012 წლის ბოლოს, მისი ფასი 4,200 დოლარი იქნება.

designtaxi.com



1950 წელს შვეიცარიის ქალაქ ვაილში, რაინთან დაფუძნდა კომპანია "ვიტრა".
 კომპანიამ მუშაობა ათი თანამშრომლით დაიწყო, სამი წლის შემდეგ კი იგი ბაზელშიც დაფუძნდა.
 1957 წელს ვიტრამ ჰერმან მილერის კოლექციის წარმოების ლიცენზია მიიღო, რომელიც ჩარლზ და რეი ეიმსებთან ერთად, ჯორჯ ნელსონის ავეჯის წარმოებასაც მოიცავდა.
 1967 წელს, ათწლიანი მუშაობის შემდეგ, ვიტრამ შეიმუშავა პროდუქტი "პანტონი" - ერთიანად ჩამოსხმული პირველი კონსოლის სკამი, რომლის დიზაინიც ვერნერ პანტონმა შექმნა.
 1984 წლის პირველ იანვარს ვიტრამ ჩარლზ და რეი ეიმსებისა და ჯორჯ ნელსონის მიერ შექმნილი ავეჯის წარმოების ექსკლუზივი მოიპოვა ვეროპისა და შუა აზიის ქვეყნებისთვის. მას შემდეგ "ვიტრა" დამოუკიდებელი კომპანიაა.
 კომპანია ვიტრას ოფიციალური წარმომადგენელი საქართველოში გახდა "ოპერა დიზაინი", რომელმაც 18 მაისს ახალი შოურუმი გახსნა.
 კომპანია ვიტრასთან ერთად ოპერა დიზაინის შოურუმში წარმოდგენილია ბელგიური კომპანიის - ბულოს (BULO) საოფისე ავეჯი და ასევე ალიასისა (Alias) და ფანტონის (fantoni) პროდუქციაც.



mdelivery

food delivery

T: 230 30 30

LOFT new american

"SAKURA 桜 RESTAURANT"

BUFFET

მასპინძლო!

VONG asian fusion

delicious life

mgroup

Info: (+995 32) 230 30 30
www.mgroup.ge

TON

ევროპული სახაების სალონი
European Chair Salon

აპალონიძის ქ. 14
Tel: 2 23 23 74

salon@ton.ge
www.ton.ge

CES CREATIVE EDUCATION STUDIO

რამიშვილის 5. 225 2002 www.ces.ge

13:10 შაბათს რემონტი

IKEA KNÄPPA

designtaxi.com



გამოიცა საქართველოს კულტურისა და ძეგლთა დაცვის სამინისტროს ხელშეწყობით

f t v **DESIGNTbilisi**

http://designtbilisi.ge

fonts.ge უკანასკნელი დამატებები

დიზაინსტილისი

დასახელება: G_Grem
ავტორი: Atech Software

Logodesign

Identity Branding, Visual Branding, Naming

www.logodesign.ge

more@designtbilisi.ge